

中國方志叢書·華中地方·第八六三號

據

清·趙宗耀等修·歐陽燾等纂
清同治十二年刊本

影印

江 西 省

彭澤縣志

(三)

成文出版社有限公司印行

彭澤縣志卷之十二

列女 孝 貞 烈 殉難 節

天地靈秀之氣鍾於男子亦鍾於婦人閨門幃閣之間何知學問而溫厚慈和堅貞柔順或冰霜自勵終身不渝或激烈捐軀慷慨赴義此皆本乎天性有士君子所不能及者故易占貞吉詩咏柏舟春秋紀宋姬敬姜彤管光於一時遺芳垂於後世所以敦彝倫勵風俗也彭邑克敦閭閻足爲坊表者前後相望臚列而續編之斯亦維持風化之大端也志列女

孝

明

許如垣妻德清縣君朱氏輔國將軍拱挺女垣念寡母欲
辭祿歸養縣君忻然和從執婦道甚恭一日垣外出盜
卒至刼姑家人失措縣君盡出簪珥以脫姑於難姑遭
疾篤縣君籲天請代姑尋瘳與垣相敬終身卒賜諭祭
嗟乎父子天性篤孝尙不概見況婦姑乎至出自宗藩
不貴恪習而賢孝聞抑又難矣故首錄之以風閭閻德云

國朝

增生周九成妻宗氏秉性和淑孀周門克盡婦道舅孝廉
易元卒於官姑痛夫亡長齋綉佛氏亦斷暈對食姑又
多病氏親奉湯藥十餘載終始弗懈姑亡夫亦旋卒氏
年三十甘貧教子卒以成名享年八十有五

生員計應卜妻朱氏東流縣生員應試之女卜以家貧爲贅壻朱念舅姑在堂不獲躬親服侍哀懇父母從夫歸養竭裝貲以奉甘旨生事死葬始終如一子息維艱族人屢爲祝神求嗣晚舉一子名汎愛是亦孝德所感

劉萬流妻何氏東流縣何一仲女年十三母病篤暗禱求代已而割股母疑問解以他故卒不明言長適劉能修婦道年八十有九而康健不衰曾元繞膝其錫類然也
以上舊志

歐陽翠羣妻羅氏年三十夫故無子有奪其志者氏拒之曰如我去舅姑益恠同治二年賊突至縛翁姑將殺之氏出號泣求以身代賊遂殺氏鄉里稱其孝

貞

畢娥餘姚令丁嘉臣之媳也自幼締婚年九歲丁子故誓不再適十二歲父母爲娥擇配受聘日給娥攜弟往伯叔家伯叔母爲娥道喜娥默不語歸而自縊丁聞具公服親往奠焉

洪貞女生員毅之女項宗璉聘妻也幼稟父訓貫通書史善吟詠時以古名媛自命毅死女哀毀異常母病女割股療之及笄未嫁而璉故女聞跪請於母遂歸於項以吉服往見舅姑於堂上見畢易衰而號項之族人觀者咸泣下自是日居樓上不與人接見越數年璉兄宗昭誕次子倓以繼璉嗣女乃釋衰服設祭泣於璉靈曰我

前以吉服見翁姑於堂上媳之始今請以吉服見郎於
地下妻之始郎今有子繼繼承承永郎祀於不替我是
女兒身何堪母人乎請從郎逝言畢以首觸地血被面
姑力挽之得不死後數月竟以憂鬱成疾彌留之際口
占一絕曰吾久不作詩卽當絕命詞可也詩云茹苦含
辛十數春偷生且作未亡人九原今日尋郎去猶恐相
逢認不眞吟畢而逝時年二十六道光二年奉

旨

時曾孫塋 亦列庠序

柯仲旭女名長姑性溫良善女工守貞不嫁父母抱病朝
夕服事衣不解帶及衰老出入扶持不離須臾親歿一

切殯葬之事悉親自檢點哀痛悲毀卒以成疾而終族
姪孫教諭友桐贊曰婦以節稱者世多有之而貞女恆
少非無貞女也易曰十年不字之貞固難至終身不字
則尤難自北宮嬰兒後於姑復見趙威后云撤其環珞
至老不嫁以養父母是率民而出於孝情者也若姑者
倘亦聞其風而慕效之者歟

朱秉謙之女三姑年十五未許聘父母俱喪上無長兄有
弟源和甫二歲家貧撫養無人三姑毅然以撫弟爲已
任遂不字有勸嫁者必慟哭父母指弟而言曰此孤無
託余豈爲身計而危父母之宗祀耶躬親勤苦延師課
弟又爲弟娶婦完婚主持家政內外無間言守貞六十

六歲而終至今源和子孫蕃衍衿貢相接皆姑之力也
何英姑郡庠生方颺風聘室乾隆辛未進士顯孫女也夙
姻禮教自幼言笑不苟稍長足不履外庭雖戚屬罕有
見其面者年數歲許聘方未嫁而方染篤疾女母往視
數日未歸遂相傳爲己死女聞之謂其嫂曰母胡不歸
嫂囁嚅不卽答女以爲眞遂託瀚衣而自沈焉時年十
七

增貢生楊作舟女的嫗許字前任直隸霸州知州邑人凌
鳴盛長子十五歲時聞凌故誓不改字父母亦不忍奪
其志踰八年卒於母家

何貞妹許聘畢懋猗年十三畢門接爲養媳懋猗抱病淹

趙四載尙未完婚神亡女守貞曾感二心不忍離姑克
全孝道和姊姒勤織紉歷久不懈旧叔嘉其貞立好繼
香爲嗣歿年七十二歲道光二十六年彙題 旌表

以上舊志

王魏廷黼之女 恩貢暄之胞妹幼許湖邑邵庠生周
榮雲雲卒女年十九聞訃往周祭奠請爲雲立後有以
家貧年少勸者抵死拒之紡績自給爲嗣子課讀資卒
年五十有二

魏貞女金秀雅聘室幼抱養秀家甫入齡而秀逝念姑老
不肯他適刻苦自持敬事孀姑始終不懈道光二十六
年彙題請 旌卒年六十有七

邑庠生高鼎元女愛姑幼秀穎許字歐陽銍生年十三銍
病故計聞隱慟嘔血不起後銍百日卒愛時目不瞑父
母許其歸葬於歐陽日始瞑

劉貞女楊和貴聘妻年二十未婚夫故誓不再嫁歸楊守
制立叔贊緒之子爲嗣卒年三十四歲

凌九姑宣城縣水達盛之女聰慧知大義幼受瑞昌文安
業聘年十三安業病故守貞不嫁有言及姻事者輒號
泣不食父母從其志不相強依膝下十五年癯癯孤燈
日事隱泣卒以憂勞成疾而終道光丙午年吳中丞文

銘彙題請旌

王貞女懷邑王春平之女凌炳駱聘妻也駱父達盛官皖

舊與春平交遂結姻後春平官秦中女隨父之任聞駱
故號勳屢請奔喪間五年自秦歸從翁姑於宣城任已
而扶夫柩三百里由皖歸葬爲駱立後教之成立卒年
五十五

張貴妹貢生張聯芳之女年十六值母病奉侍不忍離一
日母因病縊死女從之寔於淺土三年遷葬猶面目如
生

王重妹文生士瀛之女丁待寶聘妻也年十九於歸有期
矣而待寶病故女聞訃閉門隱泣嗣後絕無歡客有人
議婚輒屢日不食越二載婚有成約女覺閉戶自經道

光二十六年彙請

旌表

劉貞女年十六許字黃崧生無何黃故女聞堅請奔喪父母從之女家距黃里許中隔溪橋時天雨橋沒女和衣涉水奔黃撫靈一慟氣幾絕既甦請於翁姑以大兄子春魁爲嗣春魁甫二齡女撫之恩勤備至事翁姑以孝聞現已三十年足不出閨閨雖至戚罕見其面者

歐陽貞女恩貢兆麟女也幼字高伯英親迎有期而英歿女間凶耗遂不食父問所欲泣曰兒願葬高氏一抔土與高郎同穴爲高郎立後死不恨矣父從之素衣歸高立叔延慶之子爲嗣年四十餘卒

烈

明

歐陽尙八妻李氏尙誠弟婦也先是洪懸作亂尙誠面奏
太祖平洪後其黨復訐李謂其妾曰洪黨不殄我家必
被其害母爲所辱遂閉門自焚死

庠生馮士翼妻丁氏給諫丁湛孫女歸馮踰年夫亡止遺
一女姑王氏孀居丁觸棺碎首幾斃復甦遂忍死養姑
撫女素性貞靜閨闕不踰家貧紡績爲生事姑至孝姑
病刲股和劑俟姑歿女嫁丁曰吾事畢矣未亡人何用
生爲乃觸大塚而死其女葬諸南石峯嶺壻之山也去
馮塋數十武許墓上生木枝葉悉東向指馮塋闔邑異
之

計偉越妻劉氏年十八歲適計五載夫亡哀痛殊切圖與

俱死旣而翁舉夫喪劉泣告願少留乃別築室停之劉
苦塊以居悲號傷心嘔血數升父母恐遷柩藁葬劉曰
吾今得死期矣遂不改哀經七日不食而卒舉其屍見
初中所遺巾帨皆夫之遺物

許近萬妻查氏年三十無子近萬病革氏謀殉之乃暗懷
砒霜於身近萬卒卽吞之毒發死

劉健恆妻畢氏於歸一月而夫亡孀守堅貞歲乙酉左帥
叛兵欲汚其節畢罵賊自殺邑令董襄追獎其烈

王秉陽妻洪氏梓潼尹維幹女桂林守演疇媳也左帥叛
逆南下猖獗避陶潭鄉遇賊欲掠去洪諄之曰吾父何
人吾翁何人敢辱我乎連罵死賊賊斷其臂至死猶

罵聲不絕時南操撫黃配元道經彭邑聞其事傷之曰
不從賊節也罵賊而死烈也節與烈兼不愧梓潼洪尹
矣

庠生陳力妻饒氏名蘭左兵叛蘭避聶家山爲亂兵所
掠欲擁之去蘭罵不絕口賊怒磔之

國朝

胡文光妻江氏秉性淑慎及笄適胡甫三歲而胡卒家貧
無子卽欲自刃姑老無倚勉強奉姑及姑歿曰吾事畢
矣遂入室更衣投繯而死邑令李松泰具詳其事建坊
旌表

陶得要妻陳氏適陶五載夫得重疾家極貧將鬻氏延醫

氏泣曰若食盡割肉錢疾弗愈誰侍湯藥吾臨死決不作他人婦因丐食爲湯藥資厯三年夫死氏念身寡叔鰥兼無嗣義有死無二待夫柩歸山夜投井死至今每歲屆氏死月井必涸

汪鑑祥妻陳氏年二十三夫故生一子又亡繼姪進祿爲嗣撫若己出經營家務衣食頗充時有利其所有者逼之改嫁氏曰婦人事夫理無再醮禽獸之行吾豈爲乎爰引針縷衣抱姑與夫二靈於懷自縊而死嗟乎緊縫衣恐露體也可謂知禮矣抱二靈不忘主也可謂守義矣夫慷慨捐軀猶人所難况若斯之從容以殉者哉維時邑令李祖旦聞於上臺巡道劉均旌以節烈可珍匾

額

汪焜漸妻劉氏出目官門克執婦道康熙壬子夫爲盜所
刦劉冒刃救護不逞死亡盜舍之夫以創死氏年廿三
痛夫死非命誓必報讐破產鳴官盜卒盡獲巾幗有烈
士之風

何雲才妻鄭氏年十七歸何佐何理家躬自操作有孟德
曜風雲才病氏侍湯藥日久不懈比死號泣欲絕泪盡
繼之以血越三日夫葬氏抱孤視空語葬者曰善爲之
不久吾當其穴旣歸向其夫靈前焚楮作禮呼姒氏王
至中堂斂衽再拜以孤託焉眾防之至夜稍懈竟闔戶
投繯而死時年二十有六